



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Præstantia Gratiæ Dei & Felicitate Hominis eâ donati
Considerationes XXXVII.**

Lamparter, Heinrich

Monachii, 1657

Ad Lectorem.

[urn:nbn:de:hbz:466:1-46645](#)

AD LECTOREM.

VMANISSIME Lector, si te docerem hoc libello de plumbo vertendo in aurum, è Philosophia Bombasti; vel de modo fabricandi sibi fortunam, ex adytis Baconi; gratum haberet, opinor, səpiusque relegeres: quia alterum prodesset ad leuandam pauperiem, quam diram nobis bella fecerunt; alterum ad satisfaciendum communi omnium yoto. Nam vnuquisque cupit res suas in eum statum perducere, in quo habeat copiam commoditatēmque bene ac beatè viuendi: quam Fortunam vocamus: estque ipsissima Ratio Status, cuius priuatim, ac publicè cura est maxima, ferè tamē continetur ambitu rerum exteriarum, ac temporalium; neglecta, cui alia omnia militare debuerant, Gratiā Dei: quæ sola humilem nostram conditionem euehit in eum statum, in quo verorum bonorum copia suppetit, ac supra inuidiam & violentiam positi,

A 7 non

AD LECTOREM.

non habent, quod metuant, nisi hoc, ne velint ipsi ex eo statu descendere. Gratia Dei est, quo tinctum plumbum actionum nostrarum, abit in aurum purissimum. Gratiam Filius Dei sanguine suo comparandam nobis putauit. Nihil ergo illâ potest esse præstantius. Ut meritò S. Augustinus lib. ad Bonifacium cap. 6. dixerit, eam non solùm omnia sidera, & omnes cælos; verùm etiam omnem Angelorum naturam supergredi. & S. Thomas, maius bonum esse Gratiam vnius, omnibus bonis totius vniuersi.

Et huius tamen rei tam pretiosæ, tamque diuinæ plerique homines rationem adeò exiguam habent, vt eam leuissimæ sæpe voluptati postponant, & explendi vnius desiderij causâ, rem tota rerum natura meliorem corrumpant. Sanè si quem Deus totius cæli ac terræ dominum faceret, ornaretque sapientia, nobilitate ac potentia supremæ omnium, quæ est inter Angeli-cas Legiones, naturæ, tantum ei non daret,

AD LECTOREM.

daret, quanti est minimum granum
Gratiæ, quæ Sanctos, ac Dei amicos
nos facit. Et inuenitur tamen non unus
adeò demens, sed plurimi passim, qui
rem tam excellentem cum vilissimis
quibusque, imò & nefandis commu-
tent. Si quis cupiditati alicui suæ ali-
ter litare non posset, quām vt extin-
gueretur Sol, magna stellarum pars
aboleretur, arescerent omnes arbores,
permiscerentur elementa, & commo-
ueretur tota rerum natura, vim vtique
faceret genio suo, & cupiditatem fre-
naret. Atqui Gratiæ Diuinæ lucem ex-
tingui in anima hominis, longè maius
est, & siccis id oculis videmus quoti-
die. Si morerentur simul omnia anima-
lia, siccarentur fontes & flumina, ciui-
tates corruerent, quomodo nos hæc af-
ficerent? Longè maiora quotidie fiunt;
passim proijcitur id, quod melius est
toto mundo, quamvis gemmeus esset.
Amittitur cum Gratiâ communicata
Diuinitas, perit Charitas regina virtu-
tum, intereunt à Deo infusæ vires ac
dona

AD LECTOREM.

Dona Spiritus Sancti , fugatur ipse
Spiritus Sanctus , rumpitur amicitia
Dei, prodigitur Ius regni cælestis , o-
mnia merita vitæ prioris , omnis fru-
ctus diuinorum sacramentorum totâ
vitâ collectus , amittitur Deus ipse , &
quidquid potest amitti : neque tamen
hæc videntes mœrore tabescimus , non
sanguineo sudore diffluimus , non li-
quimur toti in lacrimas ! Ieremias Pro-
pheta pro vnius urbis excidio quantum
lamentationum profudit ? Amici Job
calamitatibus attoniti , septem diebus
illi assederunt elingues . Heli capta
Arca Domini subito corruit exanimis :
similiter Nicolaus V. Pontifex amissâ
Constantinopoli , Benedictus I. audita
strage , quam Longobardi fecerant in
Italia. Parùm , imò nihil est vnius Pro-
vinciae , vnius ciuitatis , vnius regis euer-
sio , strages & vastatio , si conferatur
cum perditione Gratiae Dei. Quid est
ergo , quod eâ iacturâ tam parùm per-
cellimus ?

**Causa torporis est , quod non satis
intel.**

AD LECTOREM.

intelligamus, quantum in Gratia Dei
sit boni. Nam tametsi Mens id, per Fi-
dem, & asseuerationem Diuinam, certò
cognôrit; imaginatio tamen, impleta
specie præsentium, ut apparent, bono-
rum, colludit affectibus, qui toti sunt
abiecti ad ea, quæ sensus perstringunt;
& sic Mens deserta succumbit. Vnicum
ergo remedium, ut phantasia, derelictis
affectibus, in partes Rationis concedat.
Quod cum futurum est, si quām lucu-
lentissimè proponatur excellentia Gra-
tiæ. Quod, quia non nisi Diuinâ ipsius
Spiritûs Sancti eloquentiâ, pro digni-
tate rei, fieri potest; placuit hoc Libello
saltem initia suggestere, quorum consi-
derationi intentis occurrant hoc ipso
suauiora, & efficaciora, quòd suæ sibi
Mentis acie illa inuenerint, atque per-
spexerint; quibus vbi cæleste Lumen
affusum, ampliora, melioraque mon-
strârit, ac diuinis coloribus exornârit,
non poterit non maximus, ac dulcissi-
mus animi sensus, de diuino hoc Gra-
tiæ dono, existere.

Quæ

AD LECTOREM.

Quæ dūm cogito, venit in manus, eādem de re copiosum, & prēclarum volumen, quod edidit Hispānicā linguā P. Eusebius Nierembergius. Eos (ne furti me quis arguat) ita sum usus, ut meas ex ipso cogitationes plurimū locupletarem: volui enim licere mihi, quod Latinis Ecclesiæ Doctoribus licuit in scriptis Patrum Gr̄corum, ut facerent sua.

Prīmis itaque Considerationib⁹ in-dico, quām Magnum sit Gratia donum, proximis quām Admirabile, spectatis eius effectib⁹: ut animus cupiditate accensus ad ipsam postea Gratia natu-rām, quasi latentem thesaurum, perue-stigandam & contemplandam deueniat: eāque percepta cum gaudio, videat, quid ex his tandem omnibus agendum sibi decernat.

Occurrent hinc inde sublimia quæ-dam: sed ita res ipsa ferebat, ac par erat etiam doctioribus aliqua tribui, dum ceteris, quo pascantur non deest. Ego omnia iudicio S. Matris Ecclesiæ, qua decet humilitate, submitto,

IN-